

本館新聞除禮拜外日出一張諸君閱本館者無論本埠外埠均可函致本館取閱如外埠閱報須加寄費不可也除日報外常刊送外復不借工本從英國採辦新書裁紙各機器以待與各官商刊印書籍單件並有英法各國活字及各式花邊等祗有西人印工藝甚精所有中西文字均能刊印並有石印字大小機器均用精工

第 二 千 二 百 三 十 七 號

申報

本館開設在舊巴路口門牌第十四號

印工變絕倫並延有文士書寫各體文字現由上海購到各種書籍出售其書目另行刊佈所有各項價目其相宜再本館所登來札原擇其有關世道人心者附登否亦須無礙於人而後始錄其有謬屬虛文以及支離辭解者概不登報嗣後諸翁來札尚祈自諒更須寫實里而後敢登但來稿登與不登均不能將原稿收回也 本館謹白

已丑四月十一日

大英一千八百八十九年五月十號禮拜五 光緒十五年四月十一日 每張售錢十文 每月售銀一元 每季售銀三元 每半年售銀六元 每年售銀十二元

所不同近見外埠諸君自取閱本報者或有僅一二月之久即為止截其更有取巧者取閱本報迨屆半年開單往收報費之時則竟託詞謂已致函本報將報停寄何以復送前來緣是即欲圖沒報費殊堪痛恨竊思本館之報原期大眾同觀諸事之濟否不在一人倘不欲賜觀即以一面投本館斷無有不為之止截豈有強人看閱之理則此等之詐可知茲特聲明 諸君止看本報者必須諸函由國家信館寄助投之本館始為准信倘本館未接來函仍為派送則不妨再為示教至於取閱報紙必須至一年半年方能止截否即作爲零沽常按價索償勿謂言之不預也特此聲明 本館謹白

錢愚論

諺有云富人的錢窮人的命此皆以其所愛惜者言之也予謂窮人有時不惜命富人無往不愛錢窮人有時不惜命者非不惜命也愛錢受凍其命無足惜也富人無往不愛錢者非能愛錢也憚入俾出其錢猶不愛也況乎世情善變天道難知不惜命之窮人未必盡以無錢終而富人則恒因愛錢之故以命殉之命尚不存錢於何有嗚呼此富人之愚所以遠過窮人焉客自別準來欣然告曰某富人死矣余曰守錢奴尸居餘氣久應一死何異之有客曰吾不異其死於家而異其死於路且不異其死於病而異其死於錢子訝問何故曰某富入至晚年愈老而愈貪亦愈吝自以恆囊中賁白諸物皆從半生辛苦艱難積累而來於是朝積夕翼握持倍緊今日某處存一欸明日某處置一產雖床頭人強半不得盡知厥子無論矣然以早歲赤貧之故父若母未嘗便之入塾以致手掃萬貫而目昧一丁進出欸項概無帳目幸其記性極佳鉢鉢尺寸了然胸臆雖其子業已成人授室能閱時憲書分列月大月小龍細日用雜字簿認辨生瓜茄子等字而亦從未便之一握管一記數蓋以其子甫逾弱冠即已染吃着嫖賭諸習倘令知存錢所在慮有私取揮霍之事也至於平日起居更復垢衣敝履裝盡雲人橫標江湖流巧與之途遇幾欲誤引為同類親戚故舊偶有告貸則出質票以謝之一二大後亦無人更向助借其人心計之密有如是者鄙獨不新於醫藥問發小病必求醫乞方臥室之內藥餌終歲不斷或問之則曰身軀為重錢之資本如將資本用盡銀錢便無來路故不得不爾也其人氣體素盛又以滋養之力常覺精神豐饒能以羅箱乾寸許下三碗白米飯能早起徒步走一二十里路自人視之為無死理某日晚飯畢出外索欠收得番餅數枚懷之而歸不意飽餐之後一輕重壓遂至步履蹣跚氣喘而不能舒同行者詢其故又不實告甫近家門驟然而仆視之已絕氣家人以死屍入室為不祥即就其地搭一簡棚草草殮訖入棺時目張不瞑或曰是殆因未正首邱之故或曰否富有潛存欸項未經收回故身死而心不死耳家人環揣莫宗一是而棺已蓋矣不能起死者而叩之矣嗟嗟人各有死以窮人而轉溝壑以疾病而致喪亡事之常也若某富人初無疾病固可以無死即死何至有路斃之事而乃天道難知世途善變浮雲朝露竟得如此收場豈以窮始者不愚以富終耶死者有知能無追悔余聞言不覺喟然嘆曰有是哉錢之愚人也吾將記此事以為天下富人警於是侯客既退操筆作錢愚論

諭旨恭錄

○三月初七日奉 上諭兵部奏請改派會試場內彈壓副都統一摺有翼副都統承經已調補江甯副都統此次場內彈壓差使著改派副都統明秀該部前請簡派題本內未將承經銜名扣除殊屬疎忽承辦司員著查取職名交部議處該部堂官著交部查議欽此○初八日奉 旨貴恒現在入閣所管兩藍旗蒙古副都統著符珍署理欽此○二十日奉 上諭王文韶奏國子監祭酒王先謙因病懇請開缺據情代奏一摺王先謙著准其開缺欽此同日奉 上諭前翰林院侍讀陸潤庠著仍在南書房行走欽此○廿一日奉 上諭景善著准其開缺欽此同日奉 上諭前翰林院侍讀陸潤庠著仍在南書房行走欽此○廿二日奉 旨閱紅旗滿洲副都統員缺著崇禮調補所遺正黃旗蒙古副都統員缺著鄭榜額補授欽此同日奉 上諭吏部右侍郎著敬信調補續員著著調補戶部右侍郎兼管錢法堂事務文興著調補禮部左侍郎禮部右侍郎著寶昌補授欽此同日奉 上諭間敬銘奏懇准回籍調理一摺間敬銘著准其回籍並加恩賞給路費該大學士辦事認真深資倚畀一俟病痊即行來京陸見欽此

十年之久然觀者謂今日重修以後較諸新製時覺尤為堅固靈捷云

敗肉宜懲 ○本坡英例凡販賣食物者均須潔淨其有以死禽病畜之肉以售與人者則必罹罰典此蓋以衛民生而防疾病也有穆拉泗人二名於初七日肩荷腐敗牛肉貨諸市為差所見因執解案中初八日經府尊略訊供詞仍未斷定判收案押候十一日再訊

恩赦無知

○本坡車牌情形本報已節錄先見是工部局本年欲將車牌減少嗣以弊實由此叢生因復增其額較於去年為甚計定新額共四千輛蓋藉此以濟貧民也但出一新法凡有牽車之人須其本身領取牌照其姓名注於照中他人不得混牽蓋所以防冒濫法甚善也不意狡獪之徒於此又生弊竇其出賣手車者欺車夫不諳英例且不識英字給以西去年之舊照與車夫作為憑藉使其牽挽由是為巡差查獲計前日執獲多人解案嗣經府尊堂訊諸車夫惟有認罪求饒太守因念彼小民皆愚蒙無知誤犯因加體卹概與開釋并不定以罪名但諭諸車夫云本府因見汝等乃無知之流為人所惑故從寬省釋嗣後宜慎為之無蹈前轍日後倘再為執獲則必罰銀五十元汝等宜好為之慎勿以身試法也諸人聞諭唯唯稱謝而退

加籠劫案

○近來叻地盜賊潛滋愈出愈狂市鎮之中亦公然入室行竊距坡稍遠者則尤覺猖狂試觀加籠劫案已可見其概矣華人某甲居住加籠室有妻學門無刺豚晏然自得也詎於初六夜約一點鐘之際有盜匪五人至其家以圖行劫破其後門以一盜守之四盜入室明火持械劫取貨財倒懸諸箱將所有細軟概行取去所幸甲之妻財多寄頓於他所故是夕被劫者僅得首飾等物價值銀四十餘元耳然當諸盜入室之時甲有家人某性頗機警見此情形知為行劫乃從前門遁去潛往差館報知即偕同一列等差同時諸盜已得手而行詎至中途適一盜與差相遇突見差至即倉皇欲遁差乃執而搜之則果有贓物在其身中因將該匪執獲送交差館翌日即解來坡中初八日經巡捕府右堂提訊畢將此案押候十一日再行覆訊云

印藏近聞

○印度報稱現在赫政君復奉命至印欲與印藏議和想此次再為言成或亦不難成議也該報因言現在占美地方已空若以兵襲而取之則不難成其和議云云然耶否耶

命犯潛逃

○前報荷人力為本坡國家執獲因在碩卑犯有命案云云惟此案未經訊定因交保候訊詎該兇於初七日竟潛遁去現正搜求未獲想該犯不能復獲將必累及保人矣

德國水災

○接歐洲來信有言現在德國西境波仙河水忽然大漲以致沖壞石堤多處橫流遍野為災甚廣多有全村被其沖溺者居民驚流離之有不忍言現聞德皇欲命駕親臨以勘災區并設法為之賑卹云

法京巨塔

○法京來信云現該處新建巨塔一座刻已告成該塔名曰伊什計有九百八十四英尺之高然則工程之鉅可知矣告成之際國家鳴炮奏樂并升旗塔頂以慶其成并開筵宴延請諸賓以行慶禮復於夜間施放烟火更調營兵萬五千人均執火把照耀遠近如同白晝一時觀者男女老幼舉國若狂無不誇贊此塔之高為天下所未有而在工諸人均蒙獎給銀牌以誌勞動然建此塔之費已不貲矣法人之好興土木於此可見一斑


事當細辨

○水陸平安者粵人聯聚鄉情之所也其堂上懸有一扁名曰水陸平安故以此為名蓋館中人常以航海為業作此吉祥語以冀無他虞非以此為館名而招集滋事者也然而梓里情多則歸之者眾日積月累實繁有徒良歹不齊由是混雜故謂其為皆屬安分則不可謂其為皆屬匪類亦不可人心不同有如其面誰得於其人之事業心性一一而稽之乎哉而其名之所以日著者則由於該館中人慣於航海船上司業者多與論交故嘗有冒認其館中之名以冀於船上有所照應而誘之輩則尤恃為護符嘗有在船犯事而提督官裏去者人皆謂為該館中人迨其館友視之則不知誰何者屢矣該館盡屬粵人而客籍及瑣洋人亦往往冒之故謂其館友犯事而被逮者如此其眾也現其館中之良善者以日受惡名不免拖累因從而閉棄不復如前此之彰明較著矣孟子云紂之不善不如是之甚也天下之惡皆歸焉其即該館被人冒認之事乎

捕賭未獲

○叻自禁賭以來風行雷厲加以重頒新例視前更嚴故奸賭之徒戢然知畏其平日之租賃高樓密室而為窩賭之場者皆不敢仍蹈故轍賭風因之以除其尙貽為民害而梗法後賭者則惟丹戎巴葛之船澳為其地為船上工人偃息之所向例不禁賭具所以聚集各伴使不至於輪船抵埠時有誤工作也故該處別有轉轅門有人與其聚賭亦不能如尋常設局者可以憑票捕之此為護符心胆皆肆故自有禁賭而各處皆被嚴密行爲淵魚其風轉轅國家立法至該處咸為和藹不誠可憐歟然該處之不禁賭具乃為其館中工伴潛遣計耳若招人聚賭則向異於大設賭場近來之被其害者不乏其人往往控告故主是責者以其違例于禁也常帶掩而執之無奈賊線甚難是以不發月之初五日下午七點餘鐘巡捕引至該處捕賭計印皮差四十名暗遣二十名列等巡邏其所以用動多人者因該處設賭之徒非良善之輩恐其勢不能憑票捕賭之說與為難則滋禍轉大故非多人則無勢也不料轉以此為藉各賭徒預先逃匿所有賭具無一存焉遂一而而之謀至此歸於無一一場空走動喚奈何而賭徒愈心則愈為樂矣捕賭者為八人知術矣

蜜酒出賣



啟者本行由歐洲辦到上等密酒
來叻發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 哥 明賜也洋行謹啟



法國頂上蜂窠標萬蘭池酒出售




啟者茲本公司親由法國督辦頂上好萬蘭池酒來
叻發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饌中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有剽份之
者祈早惠臨沽買是荷
大英一千八百八十八年六月二十號
大清光緒十四年五月十一日 明賜也公司謹啟

英國新出頂上花露水出售

啟者茲本公司所製之花露水及高浪水最為佳製
其香之清而且久非尋常可及素已馳譽歐洲用此水
者莫不噴噴稱為妙品歷經荷領寶星七次以獎其佳
妙處可知茲
有欲採
致本公
司取討價單便知一切特此佈 聞
大英一千八百八拾七年四月二十五號
大清光緒十三年 加刺安巴馬厘公司謹啟

爐



代中西土商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 賴來安公司啟

中外各國有限保險公司

啟者本公司總局設在香港多年
有資本銀二百萬兩已先收股份人
來銀六十萬兩及餘存銀六十萬兩
在叻係本行代理承保各商貨物船
隻運往來往各埠其保費相用
照例所有花紅之銀俟結賬之後按
股分派前一千八百七十八年一
千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸貴商賜顧者請至本行開相商
可也 大清光緒九年 月 日
英一千八百八十三年八月廿七號
毛寶德公司謹啟

新由上海寄
到石印各書
甚多約計
百餘種茲以
廉價發售諸
君欲購者
請至本館選
購是荷至其
書目太繁不
能盡錄
另列清單
呈覽可也
毛寶德公司謹啟

售發酒密烏

售發酒密上頂國西



啟者本行向由英國督辦各
種美酒來助發售久已遐邇
馳名茲復由英新辦到頭
士斗雲字號之狗頭標烏密
酒到助應沽此酒香奕異常
不惟飲之可口且能保養精
神調和血氣常飲令人不生
疾病誠酒國中上品也 諸
君光顧應細看以上所列之
狗頭標庶不致誤且價甚相
宜倘 諸君有欲飲者請
至本行取用可也此佈
大英一千八百八十八年八

Culmbacher Bock-Bier



啟者茲本行
親由歐洲督辦
頂上正裝啤酒
來助發售其酒
香奕異常且蒸
製最為得法功
能清涼解毒滋
暑除煩於南洋
尤屬相宜常飲
飲之可令人不
沾暑濕痼疾等
症茲特由來發
售價甚相宜
諸君欲購買者
請認以上所印
此酒標頭慎為
選擇以免為魚
珠之混是所切
盼特此佈聞
大清光緒十四
年九月十七日
大英一千八百
八十八年十
月三十一號
美憐登洋行啟

佛羅斯藥水

西國醫士佛羅斯配製治病滋補氣血藥水能治肝癆肺癆胃
弱飲食停滯心悸多驚四肢酸軟身諸虛弱酒色過度等症輕
馳名於世二十餘年天下各國講究衛生者多經服用屢試屢
驗此藥水用玻璃樽裝載其如何功用另行布列一紙用華字
印刊每樽附送一張用此藥水者每日飲三次俱晨午晚膳後
乃飲每次用一茶匙以冷水或凍茶
一酒杯開飲須食一樽之譜方得見
効如蒙 光顧請到中國各口岸西
人藥房採買其在本坡則各藥房均有發售如欲多買者則請
至然里連洋行對門之新嘉坡藥房即勞末申藥房內麥加君
處選購大樽每樽分作一百二十八服價銀一元半每樽分
作六十四服價銀一元此佈
大英一千八百八十八年正月十八號

代驗機器 ○啟者余向習機器深於此
道可以代人考驗因仁機器以及需商機
器生驗輪船等事倘 諸君有輪船火確
火鋸等請往時加查驗有無損壞抑或新
造輪船食驗否能有弊實等情亦無不可
所償工值亦甚相宜或先與言明工價若
干均從其便至於 諸君欲買受機器者
請往代為察驗合宜與否均能効勞 諸
君惠顧者請移玉趾至附近郵局之麥
打厘路邊第四十四號門牌本寫字樓內
相商便得此佈 大英一千八百八十九
年四月 號 西國機器師亞北謹啟

時欽鐘表出售 ○啟者本店開設在國
家信局對門即來安公司之隣專在歐洲
督辦各式時欽鐘表來助發售計有銀表
一種最為名貴每枚價銀二十五元并有
大小各式金表甚多均屬富行出色者更
有無須表匙自能上鍊之銀表每枚價銀
五元其表甚為堅固至於時鐘則各體俱
備無論掛鐘座鐘以及石質之鐘皆備其
鐘皆異常美麗以備諸君選擇他如金表
金匙相合金表練金戒指等各物甚多不
能備錄而本店并能代 諸君修理鐘表
以及風雨針等件甚為精細能暑度無
訛 諸君惠顧請即移玉 光臨為盼
大英一千八百八十八年四月十七號
模申鐘表店謹啟

死其謂爲雷擊者傳聞之誤耳至於吉寧廟內死者乃華人其所以至死之由則未得而悉第該廟內有一水霍雖不甚深而積雨則可過腹是日該廟中人見坎內有死屍一具亟湧而起之報遂馳視該屍赤露下體而兩手則作黑色並無屍親到認又不知其何以死於是問迫得昇至施地埔之西醫院中循例剖驗刻尚未明其斃命之故若謂其由牆上墜下而陷於坎中水浸悶死然何以兩手黑色且斷無赤體越牆之理不在其位不謀其政其可疑之處則屬於有是責者詳究焉可矣

橋工水手

○鐵路公司新建橋梁江浙沙船停頓不前由傳相委令中西各員勘驗保全橋工仍恐沙船或有不虞酌派小輪船帶入海河潭章歸上下水次停泊茲於去月初五日起至初九日止由小輪船帶泊沙船計四十餘艘一律平安無恙於橋工有益於沙船無損所謂一舉而兩善備也不謂者般人等於初十日猝議更張希圖挾制聲請公司保險方允由小輪船拖帶其所保者不知係錢二抑係性命奉委辦理是事之呂偉堂參戎謂汝過黑水洋向不畏蕙何獨於內河一衣帶水有輪船拖帶縛索保險即敢逞不成成止一日迨至十一日拖帶如前參戎以人心不同有如其面於是逐船派一舵工代爲司舵是日又帶船七艘前催水手四名給以號衣名曰橋工水手以供驅策晚間於橋邊張燈俾知趨向呂參戎與稅務司德君委派之西人斯夕在工旁察不辭轉瞬漕務報竣橋工告成當頒傳相之知人善任前稅使與參戎實力奉行也

廣州近信

○城內桂香街桂香廟供奉北帝神俗傳三月初三日爲神誕辰因於二月廿九日舉神出遊隨行儀仗極形繁盛有頂馬百餘乘綠色數十駕其餘鼓樂香亭尤不可數計士女聯袂來觀幾至萬人空巷所惜上午時大雨滂沱終日不止迎會及看會之人均淋漓盡致乘輿而來敗興而返未免怨天公之不做美矣○上月廿九日有一小艇行至海珠前嶺遭沉溺艇內男女共六人均入於水經救生船救回男二人餘皆問諸水濱或謂每年清明前後是處必有行船溺沒者此則無稽之言也○白鶴票迭經大憲嚴禁近日又有匪徒在番禺某鄉落毀廟開收楊左槐大令訪聞立即發委查封拘捕匪徒以絕根株○武童某甲在東門某店購物爭論價錢店夥出言不遜致觸武童之怒武童糾集多人向之尋釁店夥見勢不佳閉門以避後經人調處由店夥服禮賠罪始得無事○本月初一晚保甲局勇巡至司後街見一人面貌猙獰形踪詭秘向之盤詰言語支吾搜其身有火藥一包因器二件訊其何爲據稱意欲縱火奪物當即押回局中解案嚴辦○廣雅書院於前月廿二日甄別旋即揭曉張香濤制軍示期三月初二日親詣書院開課院內諸生均須整肅衣冠隨班行禮至越學學秀兩書院迄今仍未出案士林中人無不望穿秋水矣○去年有匪人到區搖搖謂現已稟准白鶴票仿照閩姓例繳餉開收追大憲將各票館查封又謂因欲招商承辦故先行禁絕耳近有匪人更爲猖獗胆敢於沙基菜園街設館名曰編遠堂招人入股謂股本足數即可繳餉開辦事爲大憲訪聞赫然震怒密委幹員前往查緝當場提獲盧雨田等五名將館查封一時聞者無不鼓掌稱快○入春以來雨澤調勻田疇沾足郊外農人皆得及時播種無不欣欣色喜云○記名提督王軍門光耀在署門洋面與私鹽船相遇督令軍士燃炮追截該匪力不能敵紛紛覓水遁逃所有私鹽六十萬餘斤船九艘悉數拿獲即日押解來省交局驗收

利籌宜洩

○海禁未開之始直隸地方情形惟保陽最稱繁盛迨至通商日盛津門遂與省垣兀然並立同稱大邑通都而省河之來往船艘亦遂銜尾接鰓刻無停息蓋仕宦經商皆恃此一衣帶水爲捷徑也不意附近省城之安州河面近年屢經淤塞若非秋後水漲赴省之舟楫絕不相通當道諸鉅公患之由官船局憲吳太守移請駐省練軍統領督帶弁勇力籌宜洩訂於本月開工從事以資羣力而便差船聞統領業經照准想此後往來民舟均共叨利濟矣

母魂念女

○世俗女巫謂能致死者之魂與生人面語其事似屬詭譎然亦有出于目擊者此所謂能以精誠致魂魄不得以少翁致鬼之術盡屬虛無也佛山金線街某甲夫妻年俱不惑養六女而無子長女現年二十早已適人其婿仍居鎮內家本清貧惟藉僱工之費以養其家長女既嫁甲旋逝世妻撫五女惟賴女紅以餬口次女年僅十餘其大過降年皆幼弱最幼者未及週歲向須乳哺甲妻以一貧婦而撫五女手已拮据口已卒屠賣口兒啼恒不能飽去秋甲妻更復逝世長女自婿家回爲理後事將母遺衣付典得資傳治喪具殮葬其母葬後復驚母遺物携五妹偕返婿家最幼之妹託戚家哺乳月費乳金數錢其四妹稍長者教以表糊信封日得工錢三四十文以助其婿撫育携攜竭力力增以其孤女無依妻以姊妹之親重骨肉之情見而憐之雖眾口仰食亦不生厭鄰人莫不羨之昨屆清明長女自婿家歸祭父母商于從弟約期掃墓從弟節之蓋挾嫌于女惡其典賣叔權所遺衣物加以所還屋業屢欲變賣爲女所阻故也女既爲從弟所卻遂令婿代婿父母墳壘不再繼于從弟女思母情切聞大基尾有女巫設壇能致亡魂女就問之欲知母其中安否以慰所懷也至壇女巫爲之作法少頃母魂附於巫身言生前之事歷歷如見死後之念不去於懷女聞巫言如聞其母之聲如見其母之形不禁泣數行下問畢而返甫抵家忽昏不知人家以救姊弟不睦也語罷大哭一擲幾絕手足皆冰家人知其母魂附于女身也以藥救之少頃而醒問其所言女概不自知也詢其母遺物之數適吻合焉噫慈顏永別尚深兒女之情故鬼有靈能起神巫之術彼上窮碧落下黃泉升天入地求之遍者其術抑何神乎

京報選錄

○都察院左都御史臣宗室松森等謹 奏為遵奉 諭旨議處具奏事光緒十五年二月初二日欽奉 慈禧端佑康頤

照豫莊誠皇太后懿旨前據吏部奏遵議開缺御史屠仁守處分議以補官日革職留任當以摺內所稱屠仁守開去御史另行辦理及該員應

用何官均未聲明晰諭令該部明白回奏茲據吏部另行辦理係將屠仁守所遺掌山西道御史一缺咨都察院照例題轉其應補何官俟所

議處分奉旨後再行請旨如前奏依議該部以對品之部用等語屠仁守陳奏事件違旨妄言職咎甚重該部僅議以補官日革職留任已堪

詫異又不將應補何官之處詳細聲敘直待降旨詰問始行敷衍措奏若前奏竟不依議嗣屠仁守直徑改部屬矣該部於此等交議要件徇庇

欺瞞情節顯然不得不予以懲儆吏部堂官督交都察院議處承辦司員著查取職名交都察院議加議處屠仁守著即革職永不敘用欽此欽

遵抄出到臣衙門當經片行吏部查取議覆屠仁守處分及摺原案並查取職名復行查右侍郎景善在請假期內曾否畫稿等情去後茲據開

送職名並聲明該侍郎已經畫稿知照前來查例載倘庇降三級調用除混革職又例載律文無可引將例內情事相近者援引比照又實係一

分僅議以補官日革職留任又未聲明應補何官追經奉 旨詰問始行敷衍覆奏徇庇欺瞞情節顯然欽奉 諭旨將吏部堂交臣衙門議處

臣等詳查處分則例並無欺瞞作何議處應比照混私罪例辦理除將庇降三級調用係屬輕罪照兩罪名相因而致從其重者議處例

應將吏部堂官向書錫珍協辦大學士向書徐桐左侍郎松澹許應騫右侍郎景善孫家鼐從重照混私罪例議以革職承辦此案之司員吏

部郎中銓輔主事盧昌齡均照混私罪例議以革職該司員係奉 諭旨嚴加議處應照本例酌量加等准處分則例議至革職而止無可再

加是以仍照本例擬議合併聲明所有臣等欽遵 諭旨嚴加議處緣由恭摺具奏伏乞 皇上聖鑒訓示謹 奏奉 旨已錄 ○吏部片 再查

該提督片奏內稱伊子三品銜補用道廣西補用知府馮相榮分省補用知府馮相榮光緒五年馮相榮年僅十五歲馮相榮年僅十四歲均未

及歲雖經出力所有前獎花翎同知應否照准等語臣部查前據廣西撫臣張樹聲光緒六年三月初九日片奏候選同知馮相榮馮相華係提

臣馮子材之子隨同出關克平巨寇曾經奏明提臣不敢仰邀獎叙因全功告成員弁仰荷 恩旨甄錄微勞馮相榮馮相華以主將之子身在

行間勳績最偉應 恩將候選同知馮相榮馮相華均請以同知分發省分歸候補班前充即補並賞戴花翎等因光緒六年三月初九日奉

上諭馮相榮馮相華均着以同知分發省分歸候補班前充即補並賞戴花翎欽此以資雅之年逾能擒渠克敵求諸往古不可多得然舉非目睹

固不敢信其事之果有亦不敢斷其事之必無既經該撫奏懇 恩施奉 旨允准臣部欽遵註冊已於光緒六年八月初八日行文知照前廣

西撫臣張樹聲在案奏明謹 奏奉 旨已錄 ○尚書省補用道馮相榮馮相華等男劉錦棠跪 奏為節婦年例相符懇 恩旌表以推風化

恭摺仰祈 聖鑒事竊臣據新疆布政使魏光燾詳准鎮迪道兼按察司銜恩綸咨據營迪化府知府陳名銓詳據署奇台縣知縣劉澄清詳轉

據紳民馮積典等稟稱節婦王劉氏係該縣民人劉生魁之女王林之妻附生王承鈞王承鈞之祖母年十七于歸至道光二十三年王林病故

氏年廿九歲撫不微生親族以姑老子幼勸勉始節哀強起維持遺孤之子長者繼七齡幼者猶在抱家甚貧姑又以病醫氏藉鍼術之資以供

甘旨朝夕扶持未嘗稍懈既而姑歿葬祭皆如禮諸孤成立其孫承鈞等相繼入學皆氏教也現年七十四歲計守節已四十五年紳民等詣屬

戚族見聞較確不忍聽其湮沒造具事實冊結聯名稟懇由縣加結次轉詳前來臣查定例直省節婦孝女應 旌表者由該督撫學政會同

具題道取具冊結送部核議題准後令地方官給銀三十兩曉奉家建坊等因臣查該節婦王劉氏年例均屬相符合無仰懇 天恩

勅部核議照例 旌表以彰節孝而維風化除將事實冊結咨部外謹會同陝甘總督臣譚鍾麟甘肅學政臣秦樹春恭摺具陳伏乞 皇太后

皇上訓示再此案係改題為奏合併聲明謹 奏奉 硃批禮部知道欽此○雲南學政臣戴鴻慈跪 奏為徵求印事日期恭摺仰祈

仰祈 聖鑒事竊臣於本年九月初九日接禮部札知光緒十四年八月初一日內閣抄出奉 上諭本年值更換學政之期雲南學政著王不

釐去欽此茲新任學政王不釐行抵省城十二月十三日臣遵奉雲南學政授趙鴻將雲南學政防一顆及文卷冊籍繕送臣王不釐祇領

任事訖伏惟臣三年承乏一介迂庸自顧菲材愧乏甄陶之效業經派代屬履瞻戀之忱交卸後當即起程回京恭 恩命除將交印仰事日

期恭疏題報外理合繕摺具奏再此摺係本日封發仍用雲南學政關防合併聲明謹 奏奉 皇太后 皇上聖鑒謹 奏奉 硃批知道了欽此

招人批地

○大英欽命新嘉坡輔政使司 為招人承批事照得現有官地坐落小坡及丹戎牛地方地名密只花底現欲出批與人以

二年為期係由西六月一號即華五月初三日起算特此示諭商民人等一體知悉如有願批此地者可於西本月二十七號即華本月二

十八日禮拜一以前入票投交本署以憑國家選擇如有欲觀此地形圖以及知其詳細情形者可向地理司署詢問各宜踴躍幸無

觀望切切此諭

大英一千八百八十九年五月十號 大清光緒十五年四月十一日

聲明告白

○特字通知 茲林佐會於本月內 已照任 茲林佐會於本月內 已照任 茲林佐會於本月內 已照任

玉趾到敝館會集從今與林佐會無涉謹此聲明

大清光緒十五年四月十一日 茲林佐會於本月內 已照任 茲林佐會於本月內 已照任 茲林佐會於本月內 已照任

至十二月三十一號即華五月初十日止如欲知其詳細者在叻可詢問然申洋行在港可詢卑釐他林保洋行如有欲承此役者可於西六月十五號即華五月十七日禮拜六以前入票其票須蓋用火漆上寫交本境督轅參贊以憑國家棄取各宜踴躍慎無觀望切切此諭
大英一千八百八十九年四月三十號
大清光緒十五年四月初一日

招承稅務 ○大英北嘉娘輔政使司 為招承稅務事照得仙那港東方在丹戎因拿律丹起至沙北高及 阿覺古達 急卑路加耶 顯巴打士等處現欲招人承辦西本歲下半年出口餉稅所有土產均歸承充人收取惟燕窩一項不在其內而以上所列地方之入口稅亦招人承辦如各式洋酒 食鹽 雜烟 火柴等物入口之稅均歸其收取如再求增給地方俾收稅項亦無不可倘欲知其詳細者在叻可詢問然申洋行在港可詢卑釐他林保洋行如有欲承此役者可於西六月十五號即華五月十七日禮拜六以前入票其票須蓋用火漆上寫交本境督轅參贊以憑國家棄取各宜踴躍慎無觀望切切此諭
大英一千八百八十九年四月三十號

尋人告白 ○讀者茲有男子一名姓顧名忠年二十歲番馬籍人原係姓陶身材短小單眼面白而瘦於本年二月廿一日被人所誘由香港搭勿者士色拿火船往日裡因船中各客不願往日裡中途在船中喧鬧司舟因將該客帶至新嘉坡如有查知此人下落前來報知俾得往贖即謝花紅銀十大元如有收留者祈將此子送回朱廣蘭號即謝花紅銀三十元正其銀由叻朱廣蘭代交決不食言此帖是實
大清光緒十五年歲次己丑三月廿一日
表兄陶敦復告白

車馬發售 ○敬啟者茲有馬車一輛前馬一對甚為精美其車乃係峇打刺士地方著名工師心申所做寄至叻地更請南末兄弟重新修理其馬係為阿蘭之種甚為雄壯善於駕駛運速可如人意或用單馬或用雙馬均無不可並有鞍轡等件無論單馬雙馬之鞍轡俱全此車馬等乃係按察使司之物如有欲為買受者請至本館詢問便得
大英一千八百八十九年四月十九號
巴越館主謹啟

妙手鑲牙 ○牙科一途雖云小道然亦頗難問世蓋必須盡得此中之奧方能無愧於心若得一知半解即欲以應人求則鮮有不至於誤事者余向在歐洲精習牙科醫術舉凡鑲牙補牙脫牙以及牙科各症無不深通其奧前者曾至加勝巴三寶瓏泗水以及爪亞地方售術均蒙 諸君獎譽尤為三寶瓏馬妙泉馬天所賞識並撰文以傳獎譽現在挾術遊助寓居附近英大教堂之亞打井酒店內第十六號房中每日由上午十點鐘至下午五點鐘均在館候醫 諸君有欲就教者請即惠臨為盼
大英四月一號
西國牙科醫生非立謹啟

招延夥伴 ○敬啟者茲有倫敦有某英商欲在檳城基娘羅日裡泗水仲光等處各延請一人駐紮各地專代諸仕商購辦歐洲各物如有欲承此役者可至叻渣打銀行向余相商便得特此佈聞
大英一千八百八十九年四月四號
劉清玉謹啟

列爾干那芽花露水 ○此水係以干那芽花所製其花出自日本國中香冠凡卉乃列爾君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗面能令人肌膚嫩滑顏色光潤且能避不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜迥隔霄壤 諸君有願買此水者請看以下所列第一款之西字標頭本藥房所用製載此水之樽係有浮凸字樣如下所列第二款式且有西字註明列爾公司字樣如標各均有親書號據始為真貨否則係為混冒倘祈慎購至於各式人等有欲買本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈
RIGAND'S KANAGA WATER.
'KANAGA DEPOSE'
4430.

MORRHUOL.
模好呂解毒藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒並能調和營衛葆養精神現在法英美等國醫士所用花柳敗毒之藥均用此丸無不藥到病除立見春回若服此丸須仿照服魚肝油之法要緩緩吞下必於用飯時吞服一二粒切勿驟急吞以背服法此丸係以樽裝每樽計一百粒現託新嘉坡藥房麥加君處代售此佈
大英十一月八號

SANTAL MIDY.
DR. MIDY'S SANDAL OIL CAPSULES.
檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶瘰癧一切等症如症雖香痛服之立止而服藥後約歷二三日即見功效但所患過重者須每日吞食六次每次吞食二粒至痊愈後後宜再服十日庶得消除後患示絕根株惟食此藥時宜戒色慾行氣怒勞動等事幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.
浮律如里湯藥糖 ○此藥係採鮮果之汁加以藥料和製成塊略如糖粒氣味甘佳而其功效較於藥油為良無論男女老幼均能服食且其味有如糖果最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚疥癩等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡藥房麥加君處寄售此佈

